

# JONES, ROBERT (1706? - 1742), castell Ffonmon, Sir Forgannwg, bonheddwr tiriog

**Enw:** Robert Jones  
**Dyddiad geni:** 1706?  
**Dyddiad marw:** 1742  
**Priod:** Mary Jones (née Forrest)  
**Rhiant:** Robert Jones  
**Rhyw:** Gwryw  
**Galwedigaeth:** bonheddwr tiriog  
**Cartref:** castell Ffonmon  
**Maes gweithgaredd:** Perchnogaeth Tir; Teuluoedd Brenhinol a Bonheddig  
**Awdur:** Moelwyn Idwal Williams

Ganwyd yng nghastell Ffonmon, mab Robert Jones (1681 - 1715?), aelod seneddol dros Forgannwg (1710, 1713, 1714), a gor yr i'r [milwriad \(colonel\) Philip Jones](#). Addysgywyd ef yn Christ Church, Rhydychen, lle yr oedd yn gyfoed â Charles Wesley; ymaelododd ar 24 Ebrill 1724, ond dychwelodd i Ffonmon heb raddio. Yr oedd yn siryf Morgannwg yn 1729. Yn 1732 priododd Mary, merch Robert Forrest, Minehead, Gwlad-yr-haf; bu iddynt bump o blant, un bachgen a phedair merch. O bryd i bryd croesawodd [Howel Harris](#) a Charles Wesley i gastell Ffonmon, ond gan ei fod o blaidd Arminiaeth, daeth yn gyfaill cadarn ac yn ddilynwr gweithgar i Wesley, gan arloesi'r ffordd iddo i bregethu mewn nifer o eglwysi Bro Morgannwg. Bu farw 8 Mehefin 1742, a chladdwyd ef ym Mhenmarc, Morgannwg.

## Awdur

Dr Moelwyn Idwal Williams

## Ffynonellau

G. T. Clark, *Limbus Patrum Morganiae et Glamorganiae* (1886)

NLW MS (Fonmon) 6

*Proceedings of the Wesley Historical Society*, iii, iv, xxvi

*Archaeologia Cambrensis*, iii; vii, 18

*The journal of the Rev. John Wesley enlarged from original mss., with notes from unpublished diaries, annotations, maps, and illustrations* (1938) (gol. Curnock), u, 564, 505, 518; iii, 29

## Dolenni Ychwanegol

Wikidata: [Q20734340](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

